


Ol Nius blong Konfrens



Ol Laef Lesen we i kam long Profet



!Presiden Nelson i gat 99 yia long yia ia! Long toktok blong hem, hem i serem sam long ol lesen we hem i bin lanem long kolosap 100 yia we hem i laef. Go long pej 2 blong ridim wanem we hem i bin tijim.



"Gospel blong Jisas Kraes i wan plan we i soem yumi olsem wanem blong kam ol pikinini we Papa long Heven i wantem tumas yumi blong kam olsem."

Presiden Dallin H. Oaks, Fas Kaonsela insaed long Fas Presidensi



"Jisas Hem I Kraes. Hem i Sevya mo Ridima blong yumi. Hem i bes fren blong yumi."

Presiden M. Russell Ballard, Akting Presiden blong Kworum blong Olgeta Twelef Aposol




"From tru long Jisas Kraes. evri samting bae i oraet."

Sista Amy A. Wright, Fas Kaonsela long Praemeri Jeneral Presidensi

Taeting mo Ol Ofring

Long konfrens, yumi bin lanem sam long ol wei we Jos i stap yusum ol taeting mane mo donesen blong yumi blong !blesem ol pipol raon long wol!

- Las yia, oli yusum moa long **1 bilian** US dola blong blesem olgeta we oli stap long nid.
- Oli yusum wan nara **54 milion** US dola blong helpem ol mama mo ol pikinini long nid.
- Taeting i help blong sapotem moa long **71,000** misinari we oli stap givim seves long **414** misin.
- Taeting i help tu blong kea long **30,000** kongregesen long **195** kantri mo eria.



Stap Wajem Konfrens raon long Wol



From we ol taem i defdefren long ol defren ples, yumi wajem ol moning sesen blong konfrens long naet. !Mifala i

glad tumas taem Presiden Nelson i bin anaonsem ol niu tempol!

Sofia D., we i gat 11, Bratislava Region, Slovakia



Taem mi wajem konfrens, i mekem mi wantem stap kolosap long Jisas Kraes. Hem i wan Gud Man blong

Lukaot Sipsip, mo Hem i kea long yumi ol sipsip blong Hem. Samtaem yumi wokbaot i go longwe smol, be oltaem Hem i stap kambak blong lukaotem yumi.

Efrain C., we i gat 9 yia, San Juan Province, Argentina



Mifala i stap redi from jeneral konfrens taem mifala i go long stoa blong pem ol naes kaekae mo mifala i spel gud

blong mekem se mifala i no silip long medel blong konfrens. Mifala i prea olsem wan famli blong kasem save mo ridim ol skripja. Oltaem mi glad tumas blong lisin long wan profet we i laef mo harem tok blong God.

Runakorwashe S., we i gat 7 yia, Southern Region, Malawi



!20 Tempol!

!I gat 20 tempol we oli bin anaonsem long konfrens! Yusum wan map blong faenem wanwan ples blong ol niu tempol ia. Kalarem spes long pikja blong tempol taem yu faenem wanwan long olgeta.

